



7. november 2023

UKA23/36

**Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit
illorsorneqarnissaat pillugu inatsisip allangortinneqarneranik inatsisissatut siunnersummik
Namminersornerullutik Oqartussat ilaliinissaat pillugu Inatsisartut aalajangiiffisassaattut siunnersuut.**

(Nunalerinermut, Imminut Pilersornermut, Nukissiuutinut Avatangiisinullu Naalakkersuisoq)

Siullermik Inatsisissatut siunnersummut Siumumiit qujavugut imatullu oqaaseqassalluta:

Siumumiik pingaartipparput avatangiisitta mingutsinneqannginnissaat pillugu suliniarnerit assigiinngitsut mingutsitsisinnaanermut annikillisaanermik siunertallit, siunertaq pitsasuasuppat tamatigut tapersersortuarnissaat pingaartitaraarput, tassami issittumi najugaqarnerput avatangiisitsinnik sunnertiasumiinera eqqarsaatigalugu kissaatiginartaqimmat mingutsisinerit suugaluartut sapingnisamik pinaveersaartittarnissaat piusariaqarluinnartut isumaqaratta

Naalakkersuisut siunnersuutaanni Nunatta eqqaani imartat aningaasaqarnikkut immikkut oqartussaaffigineqartut mingutsinneqannginnissaat pineqarpoq, tamanna siusinnerusumi inatsisartut aalajangersimaneranni aallaaveqartoq pineqarpoq.

Naalagaaffiit Peqatigiit imarsiorneq pillugu suleqatigiaffiata ataani uuliap oqimaatsup issittup imartaani atorneqarnissaanut assartorneqarnissaanullu inerteqqummik akuersismanera tunngaviuvoq, tamatumalu kinguneranik siunneriuvoq uulia oqimaatsoq atorneqarunnaassasoq.

Tamanna ilaatigut RAL-imut tunngatillugu paasissutissat malillugu orsussamut ikummarsaatikitsumut nuunnissaat atuinerunermik kinguneqartussaasoq ersersinneqarpoq, ilaatigut aningaasartuuteqarnerulernissamik kinguneqassasoq, tamanna atuisut akiliuteqarnerunissaanik kinguneqartussaavoq, malitsigissallugulu qularnanngitsumik assartuinerup akisunerulernissaanik kinguneqassalluni, tassami nalungilarput assartuineq akitsortillugu sunut tamanut tuniluussinnaasartoq naggtaaqgullu siammassisumik akit qaffaateqarneranik kinguneqartarluni

Kisiannili avaqqussinnaanngilarput MARPOL-imi isumaqatigiissut malillugu uuliap kinertup atorneqarunnaarnissaat aalajangiiffigineqarsimamat, tamatumallu allatut ajornartumik malitsgisassasa ilaat uani pineqarluni

Siunertaa paasisinnaalluarparput uuliallu akia nikerartuartuummat naatsorsoruminaappoq qanorpiaq sunniutissat isikkoqassanersut, tassami ilisimavarput piffissami aggersumi uuliap akia qaffanneqartussaasoq, qanorpiaarlqi qaffaateqassanersoq maannakkorpiaq akiuminaappoq oqareernittut uuliap akiata nikerartuartunera pissutaalluni.

Ilanngullugu maluginiarparput tusarniaanermi tusarniakkat amerlasuut tusarniaaffigineqarsimasut akissuteqartorlu ataasiinnaasimavoq taannalu siunnersummut tapersiilluni oqaaseqarsimalluni.

Avatangiisitta isumannaatsuuunissaat mingutsitseratarsinnaanerullu ingalassimaneqarnissaat pingaartillutigu siunnersuut tunngaviatigut taperserparput, siunertaa ajunngitsuusoq takusinnaagatsigu.



Siumuminngaanniik misigisimavugut lnatsisisstatut saqqummiunneqartumi aningaasatigut kingunissai assigiinngitsut pillugit pitsaanerpaassasoq ataatsimiitaliamut ingerlaqqarluni qulaajagassallu pingaartumik aningaasanut tunngasortai ersarinnerusumik paassisutissiissutigineqartariaqartut qulaajaaffigeqqaartariaqartut, taamaasilluni assiliaq ersarinnerusoq saqqummersinnaaniassammat.

Taamatut oqaaseqarluta siunnersuut taperserlugu ataatsimiitaliamut susassaqartumut aappassaaniinnginnerani ingerlateqqipparput, neriuutigalugu ataatsimiitaliami suliarilluarneqassasoq

Jens Kristian Therkelsen

Siumut